

კონკურენტული ბარემოს სახელმწიფო მხარდაჭერა

კონკურენტული ბაზარი მრავალრიცხოვან მყიდველთა და გამყიდველთა პირობებში არსებობს, რომელთაც ფასებზე, წარმოების მოცულობაზე და ა.შ. უშუალო ზემოქმედება არ შეუძლიათ. XIX-XX საუკუნეების ზღვარზე მსხვილი წარმოების განვითარებამ, მონოპოლიების გაჩენა და შემდგომ კონკურენციაზე დაფუძნებული საბაზრო წონასწორობის მექანიზმის რღვევა გამოიწვია. კონკურენტული ბაზარი მონოპოლიზმს გამოირიცხავს, მაგრამ შეიძლება თავად გამოიწვიოს, როდესაც რომელიმე მწარმოებლის კონკურენტული უპირატესობები მდგრად და ხანგრძლივ ხასიათს ატარებს. ე.ი. მონოპოლიზმიც ბაზრის ატრიბუტია, რომელიც მისი პოზიტიური ფუნქციების განხორციელებას ეწინააღმდეგება. ეს იწვევს კონკურენტულ ბრძოლაში სახელმწიფოს მხრიდან ჩარევის აუცილებლობას.

განვითარებული საბაზრო ეკონომიკის მქონე ქვეყნებში, დიდი ხანია ანტიმონოპოლიური სახელმწიფო შეზღუდვები არსებობს. უფრო მეტიც ბევრ ქვეყანაში ჯერ კიდევ გასულ საუკუნეში მონოპოლიზმი კვალიფიცირებული იყო, როგორც საზოგადოების წინააღმდეგ ჩადენილი ეკონომიკური დანაშაული. შესაბამისად მიღებული იქნა კანონები, რომლებიც მიმართული იყო ბაზრების მონოპოლიზაციის უარყოფითი შედეგების ასაცილებლად და შესასუსტებლად. აშშ-ს პრეზიდენტის (1992 წლის თებერვალში) ეკონომიკური მოხსენების შემდგენლებმა თავში, რომელსაც “კონკურენციის ძალები და რეგულირება” უწოდეს, საჭიროდ ჩათვალეს ხაზი გაესვათ სახელმწიფოს ფუნქციებისთვის: 1. სახელმწიფომ უნდა შექმნას კონკურენციის ხელშემწყობი ინსტიტუციონალური სტრუქტურები, ხოლო იმ შემთხვევებში, როდესაც ბაზრები თავს ვერ ართმევენ თავის ამოცანებს – 2. შემოიტანოს რეგულირება, რომელიც კონკურენტულთან მიახლოებული შედეგების მიღწევაზე იქნება მიზანმიმართული.

აშშ-ს გამოცდილებამ ჩამოაყალიბა ანტიტრესტული კანონმდებლობის ე.წ. ამერიკული სისტემა. ამერიკული სისტემის საფუძველს წარმოადგენს შერმანისა (1890წ.) და კლეიტონის აქტები (1914წ.). შერმანის აქტი, რომელიც გამოხატავდა მყიდველთა ინტერესებს, არაქმედითუნარიანად აცხადებდა ხელშეკრულებებს, რომლებიც ზღუდავდნენ ვაჭრობის თავისუფლებას და იწვევდნენ მონოპოლიების ჩამოყალიბებას.

ელენე მენაბდე-ჯოხაძე –

ეკონ. აკად. დოქტ.,

სტუ-ს ასისტენტ პროფესორი

ანა ჯოხაძე – ივ. ჯავახიშვილის

სახ. სახელ. უნივ.-ის სტუდენტი

ბას და იწვევდნენ მონოპოლიების ჩამოყალიბებას. სასამართლოები მონოპოლისტად აცხადებდნენ ნებისმიერ ფირმას, რომლის წილადაც განსაზღვრული საქონლის გაყიდვის 50% ან მეტი მოდიოდა.

ბაზრების მონოპოლიზაციის მცდელობისათვის ფირმის ხელმძღვანელებს სჯიდნენ 1 წლით თავისუფლების აღკვეთით, ხოლო თავად ფირმებს – ფულადი ჯარიმით, რომლებიც სამჯერ აღემატებოდა მყიდველისათვის მიყენებულ ზარალს.

კლეიტონის აქტმა აკრძალა კონტრაქტები: იძულებითი ასორტიმენტის მქონე საქონლის გაყიდვებზე, საფასო დისკრიმინაცია, გასაღების შეზღუდვა, კონკურენტის ჩვეულებრივი აქციების შესყიდვის გზით ფირმებისა და მათი დირექტორატების შერწყმა. 1914 წელს შექმნილი ფედერალური სავაჭრო კომისია განკუთვნილი იყო – “კონკურენციის უწყსო მეთოდებთან” და ანტიკონკურენტული შერწყმების წინააღმდეგ საბრძოლველად. ვილერ ლის (1930 წ.) და ცელერ კეფოვერის (1950წ.) კანონები ამ ტენდენციებს აგრძელებდნენ. ცელერ - კეფოვერის აქტი ნაწილობრივ ავსებდა კლეიტონის აქტს – აქციების შესყიდვის აკრძალვას დაემატა აქტივების შესყიდვის გზით შერწყმის აკრძალვა.

1982 და 1984 წლებში აშშ-ს იუსტიციის სამინისტრომ ფირმების შერწყმის რეგულირების ახალი წესები მიიღო. 1982 წელს შემოღებული წესების ერთ-ერთი სიახლე ჰერფინდალ - ჰირშმანის ინდექსის (HHI) გამოყენების დაწყება იყო. მისი გამოანგარიშებით დარგში პროდუქციის ხვედრითი წილი დგინდება – ე.ი. რაც უფრო მაღალია, მით მეტია მონოპოლიის აღმოცენების პოტენციური შესაძლებლობა. ყველა ფირმა რანჟირდება ხვედრითი წილის მიხედვით უდიდესიდან უმცირესამდე.

თუკი დარგში ფუნქციონირებს მხოლოდ ერთი ფირმა (წმინდა მონოპოლიის მაგალითი), მაშინ $S1=100\%$, ხოლო $HHI=10000$. თუკი დარგში არის 100 ფირმა, მაშინ $S1=1\%$, ხოლო $HHI=100$.

აშშ-ში მაღალი მონოპოლიზაციის მქონედ ითვლება დარგი, რომლის ინდექსიც 1800-ს აღემატება.

ანტიმონოპოლიური რეგულირების ამერიკული სისტემა კანადაში, არგენტინაში და სხვა ქვეყნებშიც მოქმედებს.

ევროკავშირის ფარგლებში კონკურენციის პოლიტიკა რომის შეთანხმებით განისაზღვრება. მისი ამოცანებია: ჯერ ერთი, დასავლეთევროპული ფირმების სტრუქტურული კონცენტრაციის გაკონტროლება, რომელსაც მონოპოლიების და ოლიგოპოლიების ჩამოყალიბებამდე მივყავართ, რომლებიც კონკურენციულ პირობებს არღვევენ და თავისი დომინანტური მდგომარეობით ბოროტად სარგებლობენ; მეორეც, არ დაუშვან სახელმწიფოს დახმარების გაზრდა ნაციონალური კომპანიების მიმართ, რაიმე უპირატესობის მინიჭების მიზნით. ანტიმონოპოლიური კანონების კონკრეტული ხასიათი და შინაარსი, ამათუ იმ ქვეყნის ეკონომიკურ დონესა და სამართლებრივ განვითარებაზე უშუალოდ დამოკიდებული. თუმცა დასახელებულის გარდა შეიძლება გამოვეყნოთ ყველა ქვეყნისათვის საერთო მიზნები: მომხმარებელთა ინტერესებთან და მათ უფლებათა დაცვასთან დაკავშირებული ფასწარმოქმნაზე კონტროლი; რესურსების ოპტიმალური გამოყენება; ფირმათა შორის შემოსავლების უფრო თანაბარი განაწილება; მათ შორის კონკურენციის შეზღუდვის ხარჯზე ზემოელების მიღების დაუშვებლობა; კაპიტალის დარგთაშორისი გადაადინებისათვის ბარიერთა მოხსნა, მცირე და საშუალო საწარმოების ინტერესთა დაცვა და მათი განვითარებისათვის ხელის შეწყობა.

უმრავლეს შემთხვევაში ანტიმონოპოლიური კანონმდებლობას მკაცრად ტერიტორიალური ხასიათი აქვს, ე.ი. ფირმათა ოპერაციებს მხოლოდ ნაციონალური ბაზრის (რეგიონების) ფარგლებში არეგულირებს. მაგრამ იგი შეიძლება ნაციონალური და უცხოური კომპანიების საზღვარგარეთული საქმიანობის საწინააღმდეგოდ იყოს გამოყენებული, თუკი ისინი თანამეგობრობის შიდა ბაზარზე რაიმე სახით კონკურენციას ზღუდავს ან აფერხებენ.

ანტიმონოპოლიური პოლიტიკის მიზანს, საბაზრო მექანიზმის შესაბამის დონეზე მხარდაჭერა წარმოადგენს. მაგრამ ეკონომიკის სტაბილიზაციის მიზნებიდან გამომდინარე სახელმწიფო კრიზისული სიტუაციებიდან, დეპრესიიდან გამოსასვლელად ანტიმონოპოლიური რეგულირებების საპირისპირო ქმედებებს ატარებს. XX საუკუნის 20-30-იან წლებში მთელ რიგ ქვეყნებში იძულებითი კარტელირების

ზომები გამოიყენებოდა. აშშ-ში ფ. რუზველტის “ახალი კურსის” სისტემაში მიღებულ იქნა კანონი – “ეროვნული მრეწველობის აღდგენის” შესახებ, რომლის შესაბამისად სამრეწველო საწარმოების იძულებითი კარტელირება და მათი შემცირების მიზნით, წარმოების დონის სახელმწიფო რეგულირება ხორციელდებოდა. აშშ-ს მთელი წარმოება დაიყო 17 ჯგუფად, სადაც ე.წ. “პატიოსანი კონკურენციის კოდექსები” დაამკვიდრეს, რომლებიც საზღვრავდნენ ფასების ერთიან პოლიტიკას, თითოეული საწარმოსათვის აფიქსირებდნენ წარმოების მოცულობას, მონაწილეებს შორის ანაწილებდნენ გასაღების ბაზრებს და მუშათა ხელფასის დონეს ადგენდნენ. სამხედრო წარმოების გაძლიერების და ავტარკის (თვითდაკმაყოფილების ავრესიული ეკ-ური პოლიტიკა, რომელიც მიზნად ისახავს იმპორტის შეზღუდვას და ექსპორტის განვითარებას) პოლიტიკის გატარების მიზნით ჰიტლერის მთავრობა გერმანიაში ახორციელებდა წვრილი და საშუალო საწარმოების იძულებით კარტელირებას. 1931 წელს იაპონიაში მიიღეს კანონი, რომლის მიხედვითაც წარმოების მთავარი დარგების იძულებითი კარტელირება ხდებოდა.

სახელმწიფო საბაზრო ეკონომიკა თავის ყველაზე ვრცელ გამოხატულებას საფასო პოლიტიკაში პოვებს, რომელიც ბაზრის მდგომარეობასა და ეკონომიკურ ზრდაზე მძლავრ ზეგავლენას ახდენს. ფაქტიურად არც ერთ განვითარებულ კაპიტალისტურ ქვეყანაში ფასების დონე სასაქონლო ბაზრებზე მოთხოვნა მიწოდებით არ განისაზღვრება. მოთხოვნა მიწოდების ფაქტორი ფასების დონეზე მოქმედებს არა უშუალოდ, არამედ სახელმწიფოს საწარმო-ეკონომიკური პოლიტიკის, სხვა საზოგადოებრივი ინსტიტუტების და მსხვილი ბიზნესის სამეურნეო პრაქტიკის საშუალებით.

საბაზრო ეკონომიკაში სახელმწიფო და სხვა ინსტიტუციონალური სუბიექტების (პროფკავშირების, მეწარმეთა კავშირების და ა.შ.) გავლენა ფასების წარმოქმნაზე და დარეგულირებაზე ხორციელდება როგორც პირდაპირი, ისე არაპირდაპირი ფორმებით. ჩვეულებრივ ირიბი ფორმა გამოიყენება, პირდაპირი - მხოლოდ განსაკუთრებულ შემთხვევებში (ომები, ომისშემდგომი აღდგენები, კრიზისული სიტუაციები და ა.შ.).

ფასების რეგულირება ჩვეულებრივ პირობებში ხორციელდება სახელმწიფო მაკროეკონომიკური პოლიტიკის ინსტრუმენტების საშუალებით, რომელიც ზემოქმედებს: ფულად მასაზე, ინფლაციის დონეზე, მოთხოვნის მოცულობაზე, გადასახადებზე, სარგებლის

განაკვეთებზე, ანტიმონოპოლიური სამსახურისა და ასევე სახელმწიფოს მიერ პროფორგანიზაციებთან და მეწარმეებთან ერთად გატარებულ პოლიტიკაზე – ხელფასების, მოგებისა და შემოსავლების დასარეგულირებლად. ეს პოლიტიკა რთულია და ქვეყნები ვარირებენ. აშშ-ში სახელმწიფო ფასების მხოლოდ 10%-ს არეგულირებს, ხოლო ავსტრიასა და შვეიცარიაში – 50%-მდე.

გარდა ამისა, ბევრ ქვეყანაში ადგილობრივი ორგანოები საზოგადოებრივი მოხმარების დარგების პროდუქციაზე ფასების რეგულაციის როლში გამოდიან. ასეთ აუცილებლობას საზოგადოებრივ წარმოებაზე მუდმივი მოთხოვნა განაპირობებს, რომელიც მომხმარებელისთვის პროდუქციის ზომიერ ფასებში მიწოდებას საჭიროებს. რეგულირების ძირითადი პრინციპია - ამ დარგების ძირითად კაპიტალზე მოგების ნორმის შეზღუდვა 5-7%-ით. მაგალითად: აშშ-ში შტატების კომისიებს შეუძლიათ ახალი ტარიფები შემოიღონ, თუკი მოგების ნორმა დასაშვებ დონეს აღარბებს. იგივე მდგომარეობაა გერმანიაში, იაპონიაში. მართვის ადგილობრივი ორგანოები არეგულირებენ ფასებს კომუნალურ მომსახურებებზე ცალკეული რეგიონების მიხედვით. საბერძნეთში – კვების ძირითად პროდუქტებზე. ინგლისისა და აშშ-ს ცალკეულ ქალაქებში შემოღებულია მტკიცე ფასები მოსახლეობის იმ კატეგორიის საცხოვრებლისათვის, რომელთა შემოსავლებიც განსაზღვრულ დონეზე დაბალია.

როგორია სახელმწიფოს ფასებზე ზემოქმედების ტიპური ფორმები და ფასწარმოქმნაში სახელმწიფოს ჩარევის მიზანი? ანტიმონოპოლიური რეგულირების ანალოგიურად – კონკურენტული გარემოს მხარდაჭერა; მასობრივი მომხმარებლის, წვრილი და საშუალო ბიზნესის მონოპოლიური ფასების დიქტატისგან და მოსახლეობის სოციალური დაცვა.

ზომები, რომელსაც სახელმწიფო ახორციელებს ფასების პოლიტიკასთან მიმართებაში შემდეგია:

სახელმწიფო სექტორის მიერ წარმოებულ საქონელსა და მომსახურებაზე ფიქსირებული ფასების დადგენა და ფასებში ლიდერობა. მაგალითად: დადგენილი ფასები და ტარიფები – სახელმწიფო საკუთრებაში მყოფ მომპოვებელი დარგების პროდუქციაზე, ელექტროენერგიაზე სახელმწიფო ელექტროსადგურებიდან, სარკინიგზო, საფოსტო - სატელეგრაფო და ა.შ. როგორც წესი ეს უფრო დაბალი ფასებია კერძო სექტორთან შედარებით. ხელფასებზე შემცირებული ფასებისა და ტარიფების მიზანი

კერძო მეურნეობებში წარმოების დანახარჯების შემცირება და ეროვნული კონკურენტუნარიანობის აწევაა.

ეკონომიკის ამა თუ იმ სფეროში სახელმწიფო საწარმოების მნიშვნელოვანი წილის არსებობისას, სახელმწიფო – ადმინისტრაციული მხარდაჭერის საფუძველზე, მათ პროდუქციაზე მაღალი ან დაბალი მონოპოლიური ფასების დაწესებით, მთლიანად ამ დარგში ახდენს ფასების დონეზე ზემოქმედებას. იგივე სიტუაციაა დარგებში, სადაც სახელმწიფო მსხვილ შემსყიდველსა და შემკვეთს წარმოადგენს. მაგალითად შეიარაღებისა და ჯარის სხვა საჭიროებისათვის მშენებლობაში, იარაღისა და სხვა საქონლის წარმოებაში. აქ მმართველობითი ორგანოები ფირმა-წარმოებლებთან შეთანხმების საფუძველზე ადგენენ საკონტრაქტო ფასებს, რომლებიც შემდეგ დარგისთვის ხდება საბაზისო.

სახელმწიფო ფასწარმოქმნაზე გავლენას ახდენს საგადასახადო სისტემის და ამორტიზაციის პოლიტიკის საშუალებით. თითქმის ყველა ქვეყანაში პრაქტიკულად გამოიყენება დაბეგვრის ირიბი ფორმები – აქციზური მოსაკრებლები და დამატებული ღირებულების გადასახადი.

ფასწარმოქმნის პროცესში სახელმწიფოს პირდაპირ ჩარევას წარმოადგენს აგრეთვე ამორტიზაციის ნორმებით მანიპულირება. მსოფლიო ბაზრებზე კონკურენტუნარიანობის ამაღლების მიზნით, ბევრ ქვეყანაში გამოიყენება დანქარებული ამორტიზაციის პოლიტიკა: კაპიტალის დაგროვების პროცესის დასაჩქარებლად, მანქანა - დანადგართა მოდერნიზაციის და გასაახლებლად. ამორტიზაციის მაღალი ნორმები წარმოების დანახარჯების ზრდას იწვევს, რაც ფასების ზრდაზე აისახება.

ფასებზე მარეგულირებელ ზემოქმედებას ექსპორტ-იმპორტის სისტემა ახდენს. ექსპორტ – იმპორტის რაოდენობრივი და თვისობრივი შეზღუდვა, საბაჟო გადასახადები გავლენას ახდენენ, როგორც ქვეყნის შიდა ასევე საგარეო ბაზრების ფასებზე. უცხოური კონკურენციისაგან შიდა ბაზრის დაცვა, ასევე შემოტანილი საქონლის ფასებზე საბაჟო გადასახადების საშუალებით პირდაპირი ზემოქმედება, იწვევს შემოთავაზებათა შემცირებას და საგარეო ბაზრებზე კონკურენციის შესუსტებას, იმპორტულ საქონელზე ფასების ზრდას, რომელსაც ეროვნული წარმოების პროდუქტებზე ფასების ზრდა მოჰყვება [25].

ფასთა რეგულირების მიზნით გამოიყენება სახელმწიფო დოტაციები და სუბსიდიები. თითქ-

მის ყველა ქვეყანაში სოფლის მეურნეობას სახელმწიფო პატრონობს. სუბსიდირების საშუალებით სახელმწიფო სოფლის მეურნეობის მეწარმეთა სასოფლო-სამეურნეო პროდუქციაზე ფასებს მოცემული პერიოდის მოთხოვნის დონეზე აკავებს და ამით სტიმულს აძლევს ან აფერხებს ეკონომიკის ამ სფეროს განვითარებას. უკანასკნელ წლებში სასოფლო-სამეურნეო პროდუქციის ზოგიერთ სახეობაზე წარმოების ზრდის შეჩერების მიზნით ღოტაციები და პრემიები გაიცემოდა.

სახელმწიფო, მარეგულირებელი ღონისძიების სახით, ზოგჯერ ფასების ფიქსაციას ან მათი ზრდის საზღვრების დადგენას იყენებს. ეს არის ადმინისტრაციულ-სამეურნეო რეგულირების ტიპური საშუალება. იგი იშვიათად გამოიყენება საბაზრო ეკონომიკის პირობებში, რადგან როგორც ხანგრძლივ ასევე ხანმოკლე პერიოდებში არაეფექტურია. მას უმეტესად ექსტრემალურ პირობებში მიმართავენ (ომის, ეკონომიკური რეფორმების, პოლიტიკური დაძაბულობის დროს).

სახელმწიფო ორგანოების მიერ ფასებზე მეთვალყურეობა ყველა ქვეყანაში ხორციელდება. ეს არსებითად ფასწარმოქმნის რეგულირების პირველადი ფორმაა. სახელმწიფო ფასების პოლიტიკის ყველა ქმედება მას ეფუძნება.

ფასებზე დაკვირვებას სტატისტიკური სამმართველო აწარმოებს. ფასებზე დამოუკიდებელ დაკვირვებას, პარტიების ხელმძღვანელების და საერთაშორისო ორგანიზაციების დავალებით, ხშირად პროფკავშირების სამეცნიერო-კვლევითი ცენტრები, დამოუკიდებელი პოლიტიკოსები, მკვლევარი ფირმები ან უნივერსიტეტები ახორციელებენ. სახელმწიფოსა და მისი სოციალური პარტნიორების მხრიდან ფასებზე თვალყურის დევნების მთავარი მიზანი, ხელფასისა და პენსიის ყოველწლიური ნომინალური ზრდის ინდექსის განსაზღვრისათვის ცხოვრების ღირებულების ზრდის გამოვლენაა. ეს იმისათვის კეთდება, რომ გამოვავლინოთ როგორ მოქმედებს ფასების ზრდა ჭარბწარმოებასა და კონკურენტუნარიანობაზე.

ყველა განვითარებულ ქვეყანაში არსებობს მცირე ბიზნესის მხარდაჭერის სისტემა, რომელიც მოიცავს ჩამოყალიბებისა და ფუნქციონირების სტადიებს. უპირველეს ყოვლისა სახელმწიფო ახორციელებს მცირე ბიზნესის სამართლებრივ, საკანონმდებლო უზრუნველყოფას. კანონმდებლობა არეგულირებს ანტიმონოპოლიურ ქმედებებს, მხარს უჭერს სამეწარმეო საქმიანობას, ასტიმულირებს მცირე ბიზნესის ინოვაციურ და ინვესტიციურ მოქმედებებს.

მცირე ბიზნესზე ვრცელდება შეღავათიანი კრედიტის სისტემა, რომელიც ეფექტურად მოქმედებს განვითარებული საბაზრო ეკონომიკის ყველა ქვეყანაში. ეს განსაკუთრებით მნიშვნელოვანია მცირე საწარმოების ჩამოყალიბების ეტაპზე. მაგალითად გერმანიაში “საკუთარი კაპიტალის შემქმნელი დამხმარე პროგრამის” ჩარჩოებში ხორციელდება მცირე ბიზნესის შეღავათიანი დაკრედიტება. საკუთარი კაპიტალის შესაქმნელად კრედიტის მაქსიმალური ზომა აღწევს 400 000 მარკას. იგი გაიცემა შეღავათიანი პირობებით 20 წლის ვადით და შემდეგი წესით იფარება: პირველ სამ წელს სარგებელი საერთოდ არ ამოიღება, მეოთხე წლისათვის დადგენილია 2%-იანი განაკვეთი, მეხუთესთვის - 3%, მეექვსე-მეათე წლებისათვის - 5%. კრედიტის ამოწურვამდე დარჩენილ 10 წლის განმავლობაში პროცენტული განაკვეთის ზომა შეიძლება შეიცვალოს. მცირე ბიზნესის შეღავათიან დაკრედიტებას მთელ რივ ქვეყნებში საფასო ხასიათი აქვს: მაგალითად ინვესტიციებზე, მოწყობილობების შეძენაზე, სკსსს-ის ჩატარებაზე.

მცირე ბიზნესის მხარდასაჭერად ფართოდ გამოიყენება შეღავათიანი დაბეგვრა. იგი წარმოადგენს პრიორიტეტული დარგების განვითარებისა და მათი ანტიმონოპოლიური სტრუქტურის ჩამოყალიბების სახელმწიფო რეგულირების ინსტრუმენტს. მოქმედებს მუდმივი შეღავათებიც: კორპორატიული მოგების გადასახადზე; კაპიტალდაბანდების მაგებაზე;

სახელმწიფო მიზნობრივი მხარდაჭერით იყენებს პირდაპირ საბიუჯეტო დაფინანსებას და მცირე ბიზნესის პროდუქციაზე სახელმწიფო დაკვეთებს. აშშ-სა და იაპონიაში სამინისტროებისა და უწყებების გასავლების ხარჯთაღრიცხვაში არის სპეციალური სტატია, რომელიც ითვალისწინებს სახსრების ყოველწლიურ გამოყოფას პრიორიტეტული დარგების მცირე საწარმოებისათვის. (მაგალითად აშშ-ში - ენერგიის დამზოგავი ტექნიკა და ტექნოლოგიები, სამხედრო-სამრეწველო კომპლექსისთვის მაღალი ტექნოლოგიები) და პირდაპირ ფინანსურ მხარდაჭერას მათ მიერ სკსსს-ის ჩასატარებლად.

სახელმწიფო ესმარება მცირე საწარმოებს საინფორმაციო-საკონსულტაციო, მარკეტინგულ და საკადრო საქმიანობაში. მცირე საწარმოებს გააჩნიათ მეტად უმნიშვნელო ფინანსური შესაძლებლობები, მარკეტინგული კვლევების ორგანიზებისათვის, საკუთარი ძალებით საბაზრო ინფორმაციის შეგროვებისა და დამუშავებისათვის. ამას ძირითადად აკომპენსირებს სახ-

ელმწიფო და არასახელმწიფო საინფორმაციო და საინფორმაციო-საკონსულტაციო სამსახურების, სამარკეტინგო სამსახურების, მენეჯმენტის და საკადრო მომზადების ტექნოცენტრების, ტექნოპოლისებისა და ტექნოპარკების ფართო ქსელი. ასეთი სახის სამსახურები ხშირად

ფანანსდება უშუალოდ დაინტერესებული ორგანიზაციების ხარჯზე. (მაგალითად აშშ-ში მცირე ბიზნესის საქმეების ადმინისტრაციით, სოფლის მეურნეობის სამინისტროს მიერ, ენერგეტიკის სამინისტროდან, ეროვნული სამეცნიერო ფონდიდან და ა.შ.)

STATE SUPPORT TO COMPETITIVE ENVIRONMENT

*ELENE MENABDE-JOBADZE - assist. prof. of GTU
ANA JOBADZE - student of Iv. Javakhishvili university*

Article states that monopolism is the market attribute, hindering performing of its positional functions. In the past century, in many countries monopolism was qualified as economic crime against the society. Laws were adopted to address negative outcomes of markets' monopolization and mitigate them.

Goal of antimonopoly policies is maintenance of market mechanism at the relevant level. Though, for the purposes of economic stabilization, to overcome the crisis situations, depressions, the state implements the actions contradicting to anti-monopolist regulations.

State market economy is most widely expressed in the price policies. Actually, in no one of developed capitalistic countries price levels at the goods markets are determined by supply and demand.

Normally price regulation is provided by means of the instruments of state macroeconomic policies impacting: money supply, inflation rate, demand, taxes, interest rates, policies implemented by the anti-monopolist agencies and government, together with the trade unions and entrepreneurs – to regulate wages and salaries, profits and revenues.